



温州集
中丞集





恭題



制詞碑陰

故中順大夫温州知府文侯諱林始歷
宰永嘉博平兩邑聲迹茂矣其自博平
赴

徵是年為成化甲辰至京當拜御史以先

是大璫監山東者廉得博平產黎如瓶
重一斤以上巨而甘歆固 寵以作貢
侯聞而集父老曰博平斗大柰何賦外
議貢乎即黎美願可及林在而視民憊
乎若等速歸諭而子弟凡鉢此黎者其
悉根株去之母後約弗過三日過三日

予其大罪罰汝於是博平無遠近黎之
樹一夕而仆大璫怒會侯已

徵銜之乃行間用事之左右將處侯如漢
召季布輒罷歸河東故事大璫亦日夜
幸其來而以他事中之時則有若冢宰
尹公是盛稱侯賢于 朝力為之解故

雖失御史猶得稍遷丞于南京太僕此
勅則是弘治二年所頒侯已為丞三年考
最而受者也侯從

今上登極後最多建白聲名益高臣曩在
滁陽實與之同寮知之尤深竊以侯昔
被讒幸逢

先帝明聖大臣持正故不得御史而猶得
丞免見傷讐者之手及逢

今上用賢既已褒之 綸言又以一丞移
疾家居特為起之付之大郡寵以重臨
蓋前此他丞未有也而可謂不遇哉臣
故曰林非不遇也命不永也命而永其

功業胡止是哉悲夫弘治十三年歲次
庚申三月晦通議大夫南京太常寺卿
臣呂憲拜手稽首謹書

文温州詩

温州刺史文林宗儒

冬日感興

落木園林空方池水深碧物色垂澹清湛然屏人跡
杖藜撫孤松復坐松下石西山入懷青寒鳥歛歸翮
浩浩宇宙間流光自相迫大化豈有終初陽潛地脉
送秦良翰

有客出長安黃埃漫烏幘四月天氣寒涼風遍郊澤
堤柳積重陰鸞鳴度瑤席念子歸故鄉羈懷余轉惻
吳山高巖峨吳水清且碧孤松白雲開涼露翠欲滴
天光發宇宙盤栢竟朝夕北溟有巨魚千年養鵬翮
風微海不運終與南溟隔豈比鷦鷯翔去止無所擇

伊呂昭功名所志在隱逸良賈不入城所縊有佳壁
去住何足憂世事皆博奕

永嘉縣齋寫懷

墨綬垂青絲銅符寵郎秩駕言謝朝行出領滄海邑
脉脉辭親知依依去鄉國淞行僅千里已在東南僻
地遠煩刑誅年貧正艱食自顧書生愚疇堪付休戚
流移已懷慚征歛况余職平生跌宕懷雅志山水適
及此東嘉遊清真信靈域豈無康樂情坐有民社責
歛板事承迎鉤稽困文籍拂意不能歸自媿陶彭澤

別袁太平德純

南國有畸人月恒與之俱雲裳紉蘭茝飄飄凌堪輿
好修去凡近言嘗遊舜都道路坦不遐太上遺廣居

悠然入燕息煩痾倏祛除顧茲歷履佳墊溺誰與扶
紆轡東海濱荆棘交長途我轅幾不復正立長嗟吁
長波溺砥柱珉重無璠璣浮名同野馬造化惟吾徒
言既別我去明月升天衢寥廓湛虛寂令人增欷歔

郡檄督泰順銀課

暑月使泰順清晨備結束僕夫艱負戴輿馬苦躑躅
複嶺踵迴岡山勢多起伏升高如梯雲或下入深谷
或坦如周行或輪如鉤曲幽草不辨名巖花競紅綠
陰深霧不消慘澹雲相逐綠山壘石田絕壁綴茆屋
雲開覩鷄犬依然自耕牧聖朝奄九有此地本蠻族
近年亦貢金 國用豈不足山人走相訴連歲苦不
熟宿逋未能償新欠已相續昨日賣一男今併妻女

鬻盡斷骨肉恩不救誅求酷我意山中幽誅茅思卜
築聞此重感傷書生真竊祿安得乞身歸免食饑民
肉

博平春半述懷

土城半頽人十戶月出無烟望多樹樹枯自念天正
寒雪消忽計春將暮却憐青帝亦世情可柰東風不
相顧野老立庭言貌古湯呼爾汝忘官府府牒聯翩
呵不辨從吏木僵心益苦直性不揖督郵怒獨抱瑤
琴調鶴舞平生肯落塵經牽居然朗誦逍遙篇天地
造化一鑪冶萬物銷鑄猶銅鉛媠姆施朱西子醜松
栢黯澹桃李鮮浮名富貴聊爾耳有酒北牕高枕眠
不能作書上宰相不能內徙如登僊不能飽和淵明

詩不能遺愛受一錢簿書往復祗押字官舍閒寂如
逃禪饑民且勿向我泣我不謀遷歛爾急今年莫怨
役不均新來縣官難處分

洗堂雨歌

吾儂作縣太認真兀坐常類木偶人事來面前得喜
怒學踈心上迷經綸春冬苦旱半年急晝夜衷熱雙
眉顰幾回豐隆黯欲滴展轉風伯晴揚塵欲扳北斗
傾海水竟無馬鬣翻天津天關謹鑰叩不應神龍掘
項撼莫伸癡兒盡心了公事吾知作堂安吾身衆謂
堂成必有雨我言欲雨堂何補人心能致天地位民
力偏嫌木殄苦堂完二月三十晚星潢昭回爛天宇
曉起梳頭郊謁神旭日將昇光焰吐南雲如墨來氤

文溫州詩
三
盪湏臾雨脚從續紛
簷溜淙淙石渠響
草痕細細土階紋
歡騰道上萬民遍
愁濕枝頭百鳥羣
我堂塵瓦淨於洗
我心清涼如飲水
太空冥冥豈有私
陰晴不足人悲喜
董奉屋成雨自暮
吾道非仙何足數
嗚乎堂完民逸喜
雨來豈謂斯堂能致雨

飲馬長城窟

飲馬長城窟
馬嘶躡翹首
下馬獨沉吟
骸骨盈隴畝
長城固未頽
秦王身已灰
徒思萬萬世
空訪神仙回
一夫怒攘臂
子嬰首先繫
胡人竟不來
智慮徒自備
堯舜已云邈
夷齊不再生
籍籍天壤內
千穉萬古名
淒風起蘋末
落日淡荒渚
悠悠行路心
默默向誰語

張憲副山水障子

山高出雲在平地
千村萬落連春水
乾坤氤氳元氣
濕江湖滿地
流瀾瀾模糊雜
樹綠滿眼毫末
閒花紅半壘
忽見芳洲草
灤間微露樓臺
烟雨裏山家茅屋
晝不關背喧高閣
深厓間山人對坐
奕不語客載小舟
何時還斜橋引出
灤西路歌听直抵
涇南渡開圖
慌入洞庭遊
又似天台靈隱去
耳邊汨汨聞溪聲
堂上真疑結嵐霧
蓬萊閩苑想在此
青鞋布襪宜相顧
試問神仙結遊伴
却我冠裳塵土滿
幾時置我圖畫
中還似神仙更蕭散

歲晚滁易官舍書事

地僻無俗擾
官閒有餘歡
焚香對書几
紅日上琅玕
造化妙發育
湛寂斯本原
日月自盈虧
四時同一元

文淵州言
葉脫辭故枝蘊畜生意繁屈伸無停機福禍相循環
世道若繪事五色綴爛斑青山默無語流水空潺湲
窓下且獨酌春意回衰顏

龍池篇

滁陽栢子潭相傳有龍居之 神祖側微時嘗有
所覩既即位禱雨有應親爲文祭之建閣潭上下
爲兩隧道甃砌甚工比歲傾圯殆盡惟 宸碑猶
存

澄潭有龍山之阿靈壇石觀空嵯峨畫梁朱栱沉草
莽螭碑 宸翰牽藤蘿堊老當前訴纖悉舉手贊揚
還指畫 神祖側微德配天鬼神呵護山爲宅潭
之五龍若豢馴往來叅謁朝以夕若願奮鬣蕩腥腥

若兆

聖躬膺寶曆

聖心默識如諦盟從茲一逝

先南征羣賊烟消勝國平蠻夷率服 皇風清洪武

丁卯夏亢旱金流石爍烈焰生九重深恤生民隱靡

神不索心怔營舊時神物忽記憶命官詔諭摠精誠

霎時片雲掩九有雷轟電掣天晦冥甘霖萬里盡沾

足黔黎同口稱 王明親勞 聖製下丹陛文光上

射牛斗橫大官迢遙致牲醴有司雜遝爭趨迎司空

伐木衡陽濱五丁鏟嶂芟荆蓊丹楓翠栢湧勝槩琳

官貝闕高崢嶸上阜崔嵬下隧道池中虛敞旁簷桁

閣道縈紆圍一水巉巖削平餘十里蓬萊倏忽降塵

凡金碧參差照巒岵雲飛冥冥山鬼藏靈風颯颯生

祥光年年祈報馳村叟處處靈氛熟稻梁春風三月

嘯喚青遊人布武看花行
推牲載酒動綺席吹笙擊
鼓娛神靈只今棄背才數載
眼見韶華頓更改牛羊
歸盡夕陽多對此令人增感慨
我聞此言心慘悽神
物感遇亦有時吁嗟榮耀有終期
長歌激烈青山悲

首夏齋居即事三首

幽齋坐織雨綠樹繚周垣
青山在屋上好鳥如晤言
一官居野寺性本愛丘園
松花飽日夕沆瀣供朝飧
遊神羲皇上形槁心獨存
緇塵暗岐路吾方掩柴門

其二

孟夏日已永蘊袍寒未更
頑陰蔽白日零雨久未晴
麥苗漸不實惡草爭敷榮
大化不可竟濁醪還自傾

其三

乳雅何聒聒燕語何喃喃
微物染化機張皇性所甘
大造醞醇醪羣動每沉酣
人夢復言夢虎視恒耽耽
昨日桃李花今朝葉氍氍
世事即瀚海蕩滴不可探
感歎方自此高詠望江南

夏夜露坐

新暑夜不寐披衣坐中庭
山深絕更漏高閣度流螢
愁來忽俛首仰見河漢熒
牛女若有言導我殮茯苓
簪珥非不樂老壯恐彫零

自警

為學知句讀碌碌未聞道
羣居坐嗷嗷進止常倨傲
言悖無不讐德涼無不報
固自防有患決去力未到
衆中植長老直斥曰浮躁
爾汝本羞惡自取何足悼

尚欣學可進有過人直告再拜靡不承云胡不慥慥
勉旃自今日慎毋受嫉媚

贈金相士

相馬相骨不相肉相人相形還相心相肉失騏驥相
形昧孔壬舜瞳胡為同項羽虎貌焉得似尼父蹠壽
不仁回歿而純景公非富夷齊非貧貌當富貴負且
乘何如貧賤陋吾形天生爾目攻隱微相形須相心
勿違勘磨直欲入幽暗告人禍福先心機我貌不揚
我心多非謂當久貴非吾祈官間為樂不可極祿厚
知負常懷歸送子出山天杳杳長松獨鶴揜荆扉

次韻呂秉之郊居

山中少過客白日長揜門落葉辭故枝西風滿丘園

昨彼瓜豆架蕭疎霜亦繁實已斂余篋種種粒不昏
株拔絕荒穢生意固自存春來土膏潤播爾力不煩
一本復萬有大造無私恩靜以觀物理杳不與世喧
貞為事物榦復乃天地根脫洛闔關機玄矣難為言
送秉之

南丞太僕官野寺深沒翠微背城治重岡籬落散茅
茨曲徑藤條穿棘刺僚長月餘見忽散簿書吏擲呼
押字庸人冥契山水間佳興肯厭官職閒豺狼怒躑
躑晝上座歲丁未有狼由寺前入歸思咄咄門常關君

時傳呼入叅佐蛩然空谷喜無那遙遙丙午冬十月
一見傾倒已默荷儂儂鄉語恰吳音耿耿忠懷徵楚
些風槩遙承宋呂誨筆力遠軼唐李賀才高長慨量

可俯詩成不鄙我亦和開筵俎豆春風迴論事斧鉞
嚴霜摧豐樂亭開發曠逸嘖呀路迥登崔嵬援我着
屐陟峰頂許我醉眠分礪隈剖我懷抱解我圍祛我
迫隘植我頽高堂揖讓阻諧謔羣僚翕集相徘徊乃
知人侮必自侮我惟戚戚君恢恢長卿哭毋君代署
門境清嚴吏人懼位崇體悉氓民艱地曠手栽百行
樹爬梳民隱正吏權一疏上 允恩蕃宣宿弊風聞
似拉朽庶政蝟舉猶烹鮮畿甸千里江南北塗炭百
年民蘇息吏閒處處省誅求土瘠年年穀衣食積德
冥冥君自深彼氓何知我默識兩意沉酣交甚坦三
載勤勞君條滿我昔以君留至今君今去余莫余縮
栝酒長歌風日寒空山人遠欲別離北望遙遙心斷

絕夢鬼昨夜到長安

家居小樓會客今得足字

宦游本夙好負病厭馳逐黽歸故園勸鳥今止宿
朋舊月一飲輪我會再續布韋偕縉紳班坐人五六
摘蔬夜猶鮮漉酒冬已熟薄言讌樓居飽豈在梁肉
白雲墮書几鳴鳥隔林屋過雨阻新暑首夏氣清淑
及茲風日佳泥飲勿辭足

和唐寅白髮

氣羸髮先改五十頭盡雪豈無年差長美鬢鬢如涅
頽頽詎足嘆樹立恐中折服善死所甘僥枉生亦竊
葉脫根株固貞元難遽絕天地閱殺機與奪誰窮詰
鏗壽今亦亡回死有餘烈數命人人殊疾徐付甘節

大冶範我形堅脆任生滅

與二弟汎舟遊吳氏東莊因寄匏菴

緣城畛流水榆柳綠蔭門
艤舟信登陟忽得吳公園
小亭面高岡蘿徑隱可捫
青山出墻頭白雲宿籬根
歌鶯滯池曲遊魚戲波渾
繁景當首夏過雨氣微溫
老我獨已樂偕有弟與昆
清唱散林木起行歷郊原
日斜亂人影眷戀忘歸轅
水木余夙好况茲故情敦
主人方宦達樂事誰與論
室邇人則遐相思黯銷魂
出處各有會一咲覆餘樽

二檜

去年得檜龍骨立今年得檜雷斧劃二檜相當較淺
深我解歷年皆過百一檜風雨鱗甲動一檜雪霜魂

魄蟄蒼髯落落雨健將欲鬪未鬪髯髭戟孔明老栢
大難用玉晨左紐顧何益何如二龍宜矮屋就束甘
卑鑽歡懌旣不思致廟廊求又不思避樵斧索苦心
何曾蝕螻蟻元氣常盈歛只尺有如二子卧首陽木
僵久與繁華隔心符操似地復同奚必操戈自相隙
怡然復好息戰爭老夫毅然歎血盟鳴琴中坐調雙
清好風颭颭秋月明

除溫自歎

富貴陌上塵流光倏更謝大冶百年內驅馳等郵舍
解組未五十衰貌已堪咤逋亡更七稔須髮益變化
守溫沐嘉寵促行不少借老骨折艱難忍遭列司
罵酒困寢方熟叱起受鞭駕孀嬾甘苦單而乃策之

文淵州詩
九
嫁徬徨復徬徨何當返耕稼

戊午春將赴温州楊君謙禮部邀餞於虎丘同
集者沈啓南韓克贊二老複巾杖藜韓從子壽
椿與朱性甫青袍方巾唐子畏徐昌國並舉子
巾服而余與君謙獨紗帽相對會凡八人人各
爲侶適四類不雜

鳥歌當離筵東風逗微雨會合飲中僊兩兩各相侶
二老行紆徐二妙足高舉儒袍聯魯生烏紗對賓主
酒半散林壑尋詩鏤肝腑詞鋒挽落暉酣戰走旁午
冥搜隘八極光焰互吞吐珠璣落吾手拾襲誰敢侮
悠悠大塊內何物不叅伍嗟余獨行邁棄斥無所與
後十日啓南復邀餞於君謙之南峰草堂

麗日進方舟賓朋試春服青山載遠途清溪揜林曲
登山謁高人華屋枕脩麓松竹羅庭除白雲墮牀褥
天幔石作屏古殿苔竄綠振振關西子久已在空谷
欲從卧十年稍爲脫凡俗胡爲落塵經行役苦疾速
祖筵徒自珍絃歌鎮悲促躊躇不能忘便儼巖下宿

七里隆

青山憊吾意舟子莫余違言茲隆中遊兀坐敞蓬扉
須臾來萬狀雲水鎮依依儼居方池中四面罩翠幃
偃仰斷且續高下墮還飛挿天蔽星斗伏地堪漁磯
平平羅几案整整列鼓旗大將坐橫劍萬馬紛而馳
呀然散不收忽合如長圍如行圖畫中而罔筆墨畦
平生跌宕懷老大丘壑姿不圖行役地乃與勝境期

文溫州詩
惜哉南北人安得久於斯

金華道中風雨憶故妻

感昔年少壯挈家來宦遊官卑無館傳六口聚民冊
時時閣淺灘亂石雷聲伴到縣祿不給送妻還故州
廿載復經行白髮被滿頭清溪不改故官舸乘中流
懷人渺何許墓木空山秋嘆息淚盈把促促生煩憂

觀射

爽氣襲重袍委巷露凝濕新篁擠老榦瓜蔓互纏緝
小山繞民居流泉俯堪拾佳氣逼畸人不覺滯城邑
青衿分道長射圃導余入古禮捐之久孔聖既嗟及
小子何爲者率爾敢效習

構巽山

一名積穀山懸崖嵌謝
岩二字蓋靈運舊遊也

踈林澹寒烟綠篠綴荒壁有輿陟峻坂疲繭心戰慄
高城落海際大江纏塹碧崖嵌謝岩書水溢謝池石
若人去緜邈千載寓竒跡慚余繼遠塵才難濟饑溺
名位漸卑亞奚以媿美績頽風日滋萑屨弱懷促迫
晨昏塞案牘罔敢踐踈逸小構積穀巔願言裕民食
良疇四望平羣山趨几席農事在勸懲遊觀本何益
短些起靈運耶爾詠朝夕

卻留

吾行試海郡得言拯民罷紀綱未周悉彈章出南司
辭簡擊尤切謂余身不持吾知久狂率貪墨耽書詩
所以久辭祿七載卧茆茨科頭躬耒耜散釣野水湄
出守非余好懇疏不得辭攢眉出北莊不挾妻與兒

文淵閣詩
俛首徇法制羔膝謁故知老拙苦期會勤勞寧憚癡
榮獨未能念徵歛復不慈回憶康齊心迥絕歎以施
上下兩相負歸計旦暮馳䟽災効臣致異得流荒涯
言在莫為達徬徨病益衰幸際言路開所効同我私
邁此當放逐歸去甘如飴春山潤膏雨春風暢枯枝
開籠出孤鶴冲天那復追相如懷和壁碎擊終無珙
溫民勿挽留代我必勝而

感懷是歲成化癸巳

家室倉皇付草萊含情自下讀書臺不知滿地梅花
落又見東風燕子來六尺微軀何處着百年笑口幾
時開最憐門外青松樹盡是兒時手自栽

永嘉墨池廟

祀王內史羲之

墨花冉冉沁清渠珍重當時內史居總道才名無可
尚豈知遊戲是其餘荒祠久系東嘉愛信史猶傳北
伐書一瓣心香千載意靈風渺渺送雲車

喜桑民懌至自吳門

奔走卑官歲再更江湖偏重別離情逢君怒罵為知
已顧我摧頽負此生細雨燈花銷午夜青山詩思繞
孤城自慚不是臨邛令潦倒安能重長卿

溪行

窈窕入迴溪春深花片稀絕灘魚逆上掠草燕低飛
雲斂樹初出水窮山復圍仙源不知處獨棹小舩歸
入雁蕩

山深斷車馬雞犬亦蕭疎澗道散蒼莽峰巒翔紫虛

文淵少言
三
扳援絕鳥道宛轉得僧廬不覺凌絕頂身寒雲滿裾
妻兄祁元吉爲余攜家累還吳

西望吳門半月程東風江上片帆輕還家依舊貧妻
子知己平生外弟兄越嶺雨多宜避瘴武林人轉早
回聲白雲歛盡春城暮渺渺晴空一雁橫

清河道中

畏懷常只抱書眠卻醉多因惜俸錢落魄乾坤愁裏
髩驅馳南北夢中季長河落日孤舟外斷岼春風埜
草邊滾滾天機山滿眼棹歌一曲破蒼烟

北行舟中晚興二首

月上遙天暝風來野水清片帆飛鳥疾獨坐看雲生
在客夜偏冷思親夢亦驚青春空有待白髮已無情

日落天半赤草枯山不青窮途宦情薄獨夜旅魂醒
違絕故鄉月驅馳蓬鬢星乾坤空納納搔手倚寒屏

泰安靈巖寺

匹馬強支持長途入翠微山高日初上秋老樹還稀
門外一溪隔人間萬事非虛堂雲卧冷似醉未能歸

泰山

自是乾坤真氣象不同蜀道苦巖嶮俯觀萬象沉蒼
莽頓覺一身凌太虛秦帝何勞留玉檢山靈應自笑
天書徘徊絕頂不能去日照觀頭堪卜居

京邸秋日懷歸

京國流塵撲馬黃西風都散客衣裳漫聯班列非通
籍悔獵科名去故鄉愁外亂雲秋渺渺夢中山色夜

蒼蒼遙知寂寞南窓下
叢菊無人只自芳

留別滄州先生

東去清風滿溯帆
東甌更在溯東南
班行已失羣公隊
陋巷猶停長者驂
中外於人何可擇
卑微在我本來甘
平生學道求無愧
此去親民况所耽
踈遠漸勞京國夢
睽離偏惜故人談
時名有忌愁多取
宦業如禪且靜
叅縣僻還聞山水勝
地連粗喜土風諳
遙應到日思君地
秋水凝神月滿潭

永嘉縣齋懷沈石田

自古清深地分官
得永嘉秋深熱還
雨霜薄樹猶花
到海江流盡帶山
城郭斜乘船看脩
竹疑是到君家
京邸答李侍講見懷

南北關河一病身
可堪千里逐車輪
故應踈拙難供世
轉覺虛名解誤人
滿眼風波心自畏
一番樵李夢非真
玉堂咫尺如天上
踪跡雖踈意却親

再上滄洲先生

燈火匆匆欲別身
此心先已付歸輪
乾坤不盡相逢話
江海今成獨往人
愁逐暮雲寒更遠
情淹罇酒澹還真
眼中誰是斯文契
元伯平生意最親

出京書懷

雨過長安塵不飛
馬頭落日滿征衣
城門宵柝聲初靜
驛路早行人尚稀
多病老親憐我別
無依穉子候船歸
時家君官涑水坐令官况都如水
不待中年已漸微

歲暮客錢塘邦彥徵君以詩招飲席間次韻

隱君瀟灑有高齋徑造何煩折簡催雪砌可人寒不
掃溪門待客夜還開離離燈火分春色奕奕梅花照
酒杯笑殺山陰王長史不逢安道為誰來

後三日雪晴同邦彥遊西湖再疊前韻

雪後孤山共探梅便乘清興不須催林邊細路和橋
斷湖上踈花傍竹開雲影分明披絮帽蹄涔彷彿散
銀杯酒寬新量詩盈卷不負凌雲此度來

博平赴 召贈交代王明府

博平新尹莫憂難我是當時舊長官事簡鳴琴還有
暇民貧施政合從寬桑麻四野雨常足桃李滿蹊春
不寒百里星郎無謂遠治聲十日到長安

博平春日湯成

東風淡淡釀輕寒九十光陰已半殘記得故鄉今上
巳畫船蕭鼓薦春盤

雪後博平縣齋夜坐偶成

積雪空庭睡未能漫依典籍坐衰燈官貧自覺身無
累謀拙從教俗取憎宓賤有琴聊自遣陶潛無酒竟
何馮清明寒食相將到興味蕭然只類僧

次韻司馬提學留別之作

使君聲跡重郊畿今喜南來士得師滿坐春風看化
育千山明月共襟期操衡不負平生志同榜曾叨夙
昔知珎重行囊詩句好錦箋投贈墨淋漓
白髮相逢慨昔年客亭樽酒重回旋平生學術敦名

文溫州詩
教此去勲猷在得賢吾道鳶魚歸靜裏錦囊風月屬
吟邊追隨不盡臨分意江上青山一髮懸

太僕初上

盡有林泉好元無案牘叅冗負雖彼賤委吏亦吾甘
滁陽閒居

一命南來得馬曹十年壯志靜中消長閒祗樂得春
睡酷熱還思博早朝官在溪山猶獨鶴身離枳棘即
層霄醉翁亭下行歌晚月照肩輿歸路遙

借居龍泉菴

冷官門戶可張羅曲徑春深長薜蘿不道夜來風雨
惡松陰滿地落花多

醉翁亭

翼翼丘亭倚礪瀆亭前草樹澗前雲西南正據瑯琊
勝今古難刊六一文客散依然禽鳥樂山空獨有水
泉聞蒼顏白髮聊能醉不是當時舊使君

官舍自詠

公第城南寺雲房松外居樵山知藥草引水得溪魚
身病難供世官間欲著書客來問生事短褐課犁鋤
醉歸

沉醉歸來山日斜空林獨坐數棲鴉恠來渴比相如
甚紗帽籠頭自煮茶

江浦訪莊定山先生不遇

先生高隱謝徵宣十載空山抱疾眠應是不容塵客
到白雲深鎖草堂前

文淵州詩
六
千山鷄犬白雲深爲覓堯夫駿馬尋落盡野花人不
見一林啼鳥答長吟

東石田

故園回首兩年分問訊時時荷隱君敢謂滁山今屬
我正愁塵俗動移文

奉簡寮長呂少卿秉之二首

寒蟾淡孤寺清夜念佳人尺地青山隔通霄白髮新
官閒分僻境歲晚接陽春獨有梅花發瑤瑤迥絕塵

又

溪山真有待今已屬高人地散官多暇心清興亦新
亂雲幽谷晚細草釀泉春老我空懷戀無由繼絕塵
春日感懷呈秉之

綠樹高低淡復濃弱雲凌亂隱孤峰愁將多病顏先
老忿藉中年心自容春去郊原寒閉戶雨餘燈火夜
鳴春爲貧不用悲官冷笑殺明時說卧龍

江浦道中憶吳中故人

回首江南思欲迷夢中談笑故人違不辭行役青山
咲但恠傳呼白鳥飛世態昔經多事悟宦情今入暮
年微何當載酒橫塘路扶醉村家看月歸

關領望滁

絕頂長途行木杪重盤空谷入雲深老夫已自離塵
想高世能忘濟物心春去名園千樹綠雨餘斜日半
山陰歸途漸覺滁陽近燈火遙遙生遠岑

傳僉憲希說過飲寺中

文淵州言
官舍廻溪野寺深漫勞車馬駐雲林高懷解脫公家
事罇酒都傾物外心五月寒生高閣晚半山青落小
庭陰醉翁已往泉聲在願譜新吟托素琴

全椒

禾黍高低十里青淡烟一抹裊郵亭頽城遙落遠山
阜荒市中分野水汀喜有民風皆悶悶賴無公事得
醒醒六朝爭戰餘丘隴目斷江天虛翠屏
家弟春捷秉之有詩見賀次韻奉酬

山木蒼蒼山寺深冷官堪博比丘心還家彷彿春成
夢病酒鬢鬢曉墮簪僕御無才能數馬緘書有弟達
泥金自慚不及蘇家軾空賦彭城風雨吟

寫懷

使君高興碧山秋淙上風烟次第收西澗潮生孤艇
外醉翁泉落兩峰頭久專丘壑爲間吏遠傍江湖望
帝州萬里壯圖頭似漆豈應回首問菟裘

同西涯侍講賦蘋蓼

名果芳鮮碧顆垂北來自笑識君遲最憐膚脆籠香
雪還覺津寒沁蜜脾青李昔賢空寫帖木奴南產不
同時曾聞白柰仙家種絕品源流未可知

答杜言符兼謝贈畫

老淹牧圉敢言清秣覺驅馳負此生流水宦情秋澹
薄碧山歸夢夜分明從前交誼誰偏重眼底才名子
不輕珍重新圖先到我淡烟踈樹不勝情

丹壘前韻答時用

一官聊爾逐時情，踈遠寧關國重輕。直恐壯心空老大，敢將幼學負皇明。迂踈舉世非韓子，輕薄從人笑賈生。到底只輸潘處士，衡門無事鎮常清。

潞河公館有懷時用

二月西風塵滿隄，路河水泮未全衰。餘寒應妬春光早，久客偏驚歸計遲。已有冥鴻日高舉，更多眠柳不勝吹。別君正是思君地，深夜月明孤館時。

訪孔陽先生定山山莊

先生別業翠微深，踏雨穿林特地尋。流水繞門花亂落，白雲壓地晝還沉。義高未遂逃名計，身遠能忘濟物心。汎汎虛舟湖海闊，幾回擊壤費長吟。

春日山中花亂開，春風騎馬看花來。百年漫有瑤琴

在一笑忘驅俗駕，回水漫野塘。經竹去樹浮石壁間，雲栽先生賸有柴桑趣。柰此蒼生心欲頽。

滁陽王廟

身後穹碑在祠前，流水分人悲項王。勇天祐漢高勳，朱戶瞻遺像。青林轉古瀆，興亡忽如夢。獨立送餘曛。

奉天門引蒲

僕官曾未悉朝參，欵板鳴珂病不堪。久在江湖隨分老，偶聯鴛鴦鷺自家。慚千門曉色天顏近，蒲袖香烟聖澤含。早晚乞身耕隴上，光榮歸與野人談。

奉謝西涯先生

十年驅車走南北，事緒紛輪心偏側。不禁塵土汗衣裳，更柰風霜暗顏色。湯竊官資活妻子，可憐得寸先

亡尺平生氣槩弭千人翹然自許凌雲客寧知與世
不相能顛倒瀾翻真戲劇悠然爽氣自西山渺矣浮
雲空北極一官僕圉古校人遠滯江湖那復惜羝羊
却步念觸藩老驥長鳴悲伏櫪冗員無用漫追隨數
事如毛費搜索故人珍重苦推挽拙不宜時吾自識
只應散秩付悠悠底用虛名空籍籍不辭委吏太卑
散踈懶易供惟此職正恐隳頽負夙心敢圖陟獵超
常格一任諸公立要津自留晚節堅金石

春興四首寄定山先生

春到山林總不知晚來拄杖過荒畦東風昨夜開
桃李吹折長松又幾枝

三月空山見物華淡黃淺綠映朝霞東風不與春爲

主吹落梅花又杏花

空山寂寞卧雲深寒結重裘風滿林底事花開又花
落從教日日數春陰

水流春去曉增寒山遶雲林風日乾無限春愁病如
酒更從驛使問長安

秉之用坡韻見賀生孫而以居易雛豈以其落
韻而有所更定邪旣曰用韻恐終非本色仍以
雛韻復之

年來病倦憶田間喜見兒曹亦抱雛衰薄聊堪慰門
戶承傳敢望托琴書事關他日能無意慶自先公信
有餘且作通家湯餅會未湏啼笑問何如

宗儒生孫遠出按郡未有詩賀今歸輒用東坡

韻呈一笑

呂憲

歸日兼程夜掃閭高堂已辦阿翁居定知舊物能傳
研何必中庸續著書老眼自誇綳手慣白髭翻悔鐫
痕餘絲絲爪蹠從今盛大父他年恐不如

定山天峰閣

草閣紅塵遠空山白日長人咸重康節誰復擾康桑
獨醉元非酒高歌老更狂山林無限樂只恐世難忘
訪定山溪雲亭

一笑兩年別重來三月天嶺雲城矮屋曲礪沼流泉
太古山中日畸人物外緣惟餘吾道在高卧閱流年
寄石田

秋風聞鴈思無聊故國懷人首重搔吳楚相望一千

里月明歸路不知遙

乙巳冬客京師初度有感

清霜十月滿 皇畿遊子思親感落暉學道無成雙
鬢白酬恩有地一官微多生未若無生樂今日方知
昨日非舊業吳門風雨敞可憐懷祿未能歸

季夏齋居即事

僕官門戶冷常關生意庭前草不刪獨坐小亭調舞
鶴偶登高閣見羣山氣將物色交深夏暑伏秋光待
老顏竊祿廿年曾不補欲從彊健乞生還

李少卿貞伯寓龍泉菴奉懷二首

美人掉首西山去談笑何由一霎同多在紫薇泉石
畔煮茶暢飲落花風

豐山山下碧梧中只尺雲迷路不通長日醉眠思復
坐一林啼鳥夕陽紅

淮陽道中

依依郊野積陰濃物色光寒造化工水足秋田浮淨
綠春歸柳市隱殘紅澤雷晴歛千山雨溪路吹寒五
月風回首鄉關天塹隔欲舒雙翅附冥鴻

邳州阻風有懷二弟

風激斜塘河水立雲連落日楚山橫孤舟夢覺吟春
草獨夜愁并泣紫荆別後知吾身尚健老來喜爾學
垂成傳家事業青雲在看取同登萬里程

舊硯寄宗嚴

壬辰歲余試禮部杜用嘉先生以小端硯相贈其

唇有噉可以引繩携持自銘其陰為余 廷對之
兆是歲果忝進士携硯入對 大廷及今丁未十
又六年矣宗嚴弟復試禮部遂以付之并寄此詩
期 廷對之後轉以付宗質云

短硯稜稜紫玉膚杜陵投贈手親剝曾携對策朝
金闕還擬傳家代玉符兄弟登庸輪及爾子孫發軔
計同吾殷勤付去傳臚後轉與三郎入仕途

雲桑茶

嶧山出茶類桑葉而小
山僧焙而藏之其味甚清

僊家白石煮為糧僧摘野茶如小桑餅作鳳團烹蟹
眼路經龍窟遶羊腸飲銷凡骨雲生腋夢覺清風月
在房雙井劍溪還勝負當年陸羽未曾嘗

茆山

文淵州言
地肺神仙宅陶公亦舊遊洞陰雲晝合澗綠水春流
多病思丹井虛名感畫牛歸途向城市回首思悠悠
冶父寺

暑伏僧房枕寒俛石竇雲官閒知解脫心遠絕塵氛
山鳥引雛下崖螿受蜜分物華正堪戀歸思已紛紛
蕪湖道中寄李侍御

炎暑如蒸身似泥孤舟眠過大江西月明長浦青山
隱水浸圓沙白鷺栖竹下行厨僧寺酒池邊分卧野
人隄相思無限別來意未得相逢爲品題

次韻司馬通伯明遠樓對月

月上夜初寂窓虛樓倍明冷將金露氣遠重玉關情
碧樹千村合青山一髮橫居然人境別恠底句還清

又

樓隱月初上檻浮雲細生大江秋氣早獨夜旅魂清
鬼幻山河影潮驚風雨聲仲宣詞賦好還儼獻瑤京
再宿冶父寺

了事癡兒行不前却來冶父息塵緣官閒身嬾便山
寺僧定日長如來年高閣冷含千嶂雨古苔荒帶一
溪烟淹留桑下浮屠忌四宿慚余未肯旋

北行道中次張地官韻

一官秋作客千里曉回裝月落天浮白霜餘葉墜黃
人間榮辱少心遠詠歌長杯酒青山下那知塵世忙
次韻張地官對雨

連雨作風信頑陰苦客情濕隨秋葉下寒逐暮雲生

旅館逢長夜孤臣對短檠天明紅日上萬國覩新晴

南歸阻水

孤館春寒起較遲滿牕南日雪晴時旅魂歷歷都成
夢世事悠悠不可期百歲光陰忙自錯一官奔逐老
還癡河水莫阻南行棹到處雲山叫子規

客思

寒迫重裘曉更清宦情羈思坐來生眼前世事浮雲
過醉裏驚心獨鳥鳴夢入故鄉春社散愁懸孤館夜
燈明南歸久負梅花約忍聽東家笛裏聲

和合驛

孤艇飄飄浪打蓬客懷無奈酒杯空地偏西北關河
冷天近清明日夜風岼柳塵埋春色黯野塘水决晚

潮通自憐十載驅馳意獨立長歌落照紅

宿青陽驛

市冷人家靜途長客思增夜潮舟浸月寒渡水流冰
破驛沉高岼疎林見遠燈空囊寒食近瀚海一浮僧

靜海驛

深夜驛途靜長河瀚海通舟明沉水月燈暗落潮風
暝色浮烟外春光欲雨中年年苦行役踪跡任飄蓬

聞蛙

犀舟歸日夜物翫旅魂清晚樹鳥爭集春田蛙亂鳴
微雲澹新月殘角隱孤城繫纜驛樓下悠悠鼓二更
舟中有懷林待用

渺渺長波映遠空依然新柳颺春風相思人在青山

外盡日舟行細雨中汲黯身為漢廷重杜陵詩到錦
城工天王明聖江湖遠贏得驅馳兩鬢蓬

夜經武城

古之武城在魯地今東昌武城非舊跡也

春光過二月草色刺芳洲雨濕雲低菴風微水靜流
亂雲屯往路垂柳颭行舟聞徹武城近悲笳出戍樓

又

苦雨還寒食行舟過武城幾回詢故老何代亂真名
古寺僧常在荒臺鳥自鳴悠悠懷往事春水坐來生

雨晴

雨晴雲散晚風柔野色烟光翠欲浮竟日波濤依岸
轉一天星月趁船流癡將世事春成夢老換年華雪
滿頭天地不私身自拙有人談笑覓封侯

濟寧

客棹一身渺歸程千里多寒雲挾踈雨秋水逝洪波
亭界短長道泉分南北河醉醒蓬底坐何處起漁歌

野飲

行厨薄羅列僚友共徘徊心遠谿山靜酒酣風雨來
長林歌鳥沒近寺一僧回倚杖看城市黃埃漫作堆

京口公館東揚應寧

清明寂依舊旅館正思君春色計半去江聲來獨聞
畏寒猶宿火移坐盼斜曛咫尺睽離地悠悠隔暮雲

沈歸德良臣見和再疊奉酬

秋雨冥冥晚乍收鳴蛙閣閣亂荒疇弱憐什桺隨風
舞靜愛行雲逐水流署既有曹甘數馬官常為客識

操舟歸途喜子詩頻慰節飯猶勝飽惠州

舟行與良臣相失良臣有詩次韻奉答

別我天津買畫船暮雲橫射夕陽穿坐因有約常虛
左行爲無心誤向前新鴈叫空秋思集短蓬驚兩夜
燈懸逢君夢裏分明話猶滯垂楊古渡邊

莊嚴寺避暑

野寺雲藏驛路偏暑尋僧引石牀眠碧含幽草簾櫳
外涼送清風殿閣邊了事百年忙又錯養心一味靜
猶禪終嫌車馬非真適欲解微官謝世緣

舒城道中

老大官猶僕驅馳力強支雪深經日薄雲冷得春遲
短褐過時敝愁顏覽鏡衰不堪遊息地行李又追隨

寺中春

野寺沉深門半扃易窓睡起晚風輕雲開半壁夕陽
出花落一庭春草生鳥掠池中得魚去鶴歸雲外傍
僧行馬曹散吏真如隱只欠山田帶雨耕

校滄洲集有懷亨甫先生

幾度思君哭未休斷編殘墨手親哀可憐功業惟餘
此况復遺亡不盡收京國夜寒親雪館潞河秋雨並
蘭舟叔牙已死誰余及拭淚山窓搔白頭

偶成

案牘塵堆手嬾拈病軀王事路還兼然灰已分初心
冷暗蔗方知晚境甜憂國無詩招杜甫閒情有賦識
陶潛不須覽鏡知容貌白髮經愁日日添

還家十韻

中外驅馳二十年，暫依棗梓息塵緣。豈無薄祿終非計，幸已還家莫問田。歲久先廬從敝甚，水邊喬木故依然。過從喜有貧親戚，檢理猶存舊簡編。千載秋風三徑菊，一篙春水五湖船。飯抄雲子長腰米，羹煮銀絲縮項鱸。繞屋溪聲林下樂，滿窓花影日高眠。晚於世味駸駸淡，靜覺間居事事賢。作計已逃多辱外，收功能及未衰前。只因今夜西齋夢，不到紅雲北斗邊。

家居答秉之見懷

水國荒涼木葉秋，園收芋栗未須愁。白鷗浩蕩亡機事，老馬嘶墮厭遠游。趣得已深陶令酒，興猶不淺庾公樓。牛溲馬勃原無用，當道何煩藥籠收。

荅石田

天運有盈虛，人苦不自足。已基九列階，復顧千鍾祿。黃鵠豈不高，中路將焉宿。所以柴桑翁，無心戀華屋。瀚海辭風波，郊居夢花竹。歛余百年身，及此未危辱。愧君先機言，一紙百過讀。

辱君謙顧訪贈詩次韻奉荅

少年追逐老還鄉，不負吳門舊草堂。採藥山中雲滿屐，讀書松下石爲牀。當筵有客誇長袖，時世何人識淡粧。但得身閒心自逸，何須卜築太湖傍。

遊虎丘與君謙禮部同賦

十年重上說經臺，一覽群峰意暢哉。歲月已隨陳迹去，江湖閒爲采芳來。松間石級盤盤轉，木末精廬面面

面開欲賦林巒吟不就輸他清遠謔仙才

訪啓南有竹莊

冥冥三十年役役遠行邁人生各有寓參商發長喟
歸來五載游會晤一何憊君如九皋鶴巢穴故然在
茲來勿厭遲瞻望已足快昔樹今成行書屋添多牋
大兒玉樹枝小兒亦瀟灑登堂禮阿母出孫呼再拜
開讌列肥甘賓主聿相對杯酌辨觥籌謔浪或至再
春氣陡鬱蒸風雨來冥晦樂極精神移狂歌增慷慨
乙卯初度
五十一年真醉夢百年萬事亦空花江湖况味閒偏
勝桑梓情懷老漸嘉白髮於人無假借青山還我作
生涯不堪潦倒逢初度倦倚長林數暮鴉

雨夜與啓南話舊

燈火蟬聯親戚話江湖流浪乍歸人坐消漏永虛堂
夜對酌簷花細雨春無限悲歡前日事自家冷暖百
年身宦程汗漫今休說已辦從公習隱淪

以舊歲匏研贈原博辱詩見謝次韻奉答

古研如匏紫玉肥羅文班剝墨花園元豐歲月知緜
歷李洞題名果是非雅號于今誰最稱斯文舍子欲
安歸玉蟾象管追隨地便覺端嚴得所依

中秋對月有懷原博

坐見樓頭月倍明平分秋色雨新晴古人珍重惟今
夕老我蹉跎已半生光掩星河浮玉宇氣兼風露溢
金精遙應藜桂虛堂下滿院清香一笛橫

重陽卧疾懷原博不得見因憶東坡古來四事
巧相違之句續而成詠

古來四事巧相違剛是重陽病揜扉寂寞已將佳節
負蹉跎還感故情非風前裹帽羞教墮籬下看花醒
獨歸遙憶美人東郭近登高援筆賦斜暉

初作小山

青山一簇似移來絕磴飛梁面面開汲水埋盆聊作
沼層巒壘嶂舊封苔類余礪硯澆湏酒與物逍遙登
有臺老欲藏春成別塢及時還買雜花栽

邢長洲見顧贈詩次韻奉謝

寂寞城居恰似村一溪新漲護寒雲空嗟葵藿心如
炙常佩芝蘭手自薰滿地江湖期我老大家風月許

許誰分歸來未遣門羅雀車馬時時枉使君

荷花蕩夜歸次吳水部德徵韻

採芳日暮未言歸處處村家揜杼機水漫蓮洲愁路
斷月明莎渚覺鷗飛高歌小海風波急回首橫塘烟
火微蘭棹屢移樽屢倒不知露下已沾衣

陪李瑞卿太守登玄墓

傍湖高閣千山暎繞寺長松一徑分偏喜故人來燕
集都教先雨洗塵氛江湖汗漫年俱老冠蓋從容酒
半醺看遍梅花又歸去不知何日重論文

游野別李子陽暮歸有感

野墅沉沉更漏絕美人去去隔山陰輕橈蕩月波光
碎春樹連雲夜色深萬里秋風黃鵠舉五湖烟水白

鷗沉乾坤此際元無礙出處從來各有心

送侶都憲

幾年宦海挹光塵今日離筵得覩親天地酒杯還舊約江湖舟楫正通津何人可寄安危事 聖主方求社稷臣見說長安春爛熳江南猶有抱饑民

停雲館初成

屋西隙地舊生涯小室幽軒次第加久矣青山終老願居然白板野人家百錢湖上輸竒石四季墻根樹雜花儘有功名都置卻酒榼詩卷送年華

栽竹

帶雨移來玉數竿清風亭館散輕寒誰云君子遷喬似我作僊人跨鳳看落日便能搖瑣碎殘年還待報

平安新稍細粉嬌須護可忍題詩節下刊

陸全卿送牡丹栽

遠遣娉婷玉兩株古盆珍重護泥淤玉含粉黛春應在紅孕丹砂藟欲舒只就根茨知上品行看富貴賁吾廬主人未絕分支愛有約還來酒不虛

會葬顧袁州

冷雨淒風塞暮冬故人埋玉萬山空百年歡好幽明隔此日悲酸遠近同遙繼牛眠三世後新瞻鶴表五湖東吟魂不逐飄塵散短些應歸夜月中

舟夜

終朝馳逐櫓聲乾酒盡孤舟短褐單田穢草黃年入莫水明月白夜生寒老猶多事衰難任病既辭官賤

自安無限幽懷不成寐牀頭匣劍更須看

答趙訓夫書

緘書遠到思纏絲知我於今豈少年負國恩深愚
有死累人薦及老無緣馮唐卑下甘持戟元亮歸來
久廢絃爭使北山猿鶴怨荷鋤朝墾兩餘田

聞温州之命東啓南

野人安隴畝方春亟農工誰傳一尺詔置我樊籠
中緬懷漢四皓亦有楚兩龔斯人咸肆志衰病顧登
庸聖君豈不憐萬里誰爲通新詩特勸駕慚愧石

田翁

上疏辭温

封章未剖心先畫坐主應憐祿可辭蓮社久從元亮

飲草堂不夢惠連詩青雲北闕空成戀白髮東甌
負所思祇有春愁不相放冷風吹雨晝絲絲

寫照

渠貌堂堂難與仁緋袍已作大夫身生成自是君親
德付畀元非嶽瀆神既老無聞甘暴棄入官有愧故
逡巡任他阿堵妙不二到底看來我自真

述懷

閉戶無端髣亦絲尋梅有夢覺方知懶揮塵案書高
積喜展風簾鳥下窺兩月春陰愁共結百年身世老
難支微酣坐睡似入定久卧拜官如出師弘景畫牛
心獨遠龜蒙養鳥性還癡且便東郭田常稔肯使北
山文更移鄉味已甘菘米飴舊遊空憶草堂詩從渠

文淵州詩
三
冷暖過還定自我悲歡往可推獨鶴於人亦何有閒
庭濶步鎮相隨

辭温不得請

又裝傀儡出排場金帶緋袍老逞強槁木竟爲名所
誤駑駘端畏道初長一行作吏閒都廢三徑無人菊
就荒從此青山勞夢想黃塵東下海茫茫

赴温留別停雲館

書館不能別凝情撫曲欄心知爲樂地祇覺去家難
水石性終在菊松盟又寒殷勤向兒子好護碧琅玕
以茶具寄贈原博

一麾遠守古甌濱塵俗都非舊日身隱具回看真長
物清風自擬屬高人玉堂不恨登庸晚石鼎還誇發

詠新何日關茶尋舊約白頭林下荷 皇仁

荅啓南見寄

綠水縈紆山四周山深雲合叫鞦韆坐吟春草思靈
運卧看飛鳶感少游竹馬愧非前度客虎符空縮一
方憂因君更重鄉關念滿目烟波怕上樓

入隆

才入隆中便覺竒兩崖合壁水連漪頻回雙目詩難
就兀坐孤舟山自移斷送客懷須放醉了還公事未
全癡釣臺兀兀烟霄外慚愧重來兩鬢絲

蘭溪道中

清溪曲折路全迷水鳥翩翩去復棲雜樹帶烟蒙塢
密濕雲釀雨壓船低山搖舞袖青垂隴岬效堆糧黃

文淵堂詩
三
迸泥最愛人家住平陸野花黃蝶滿蔬畦

客况

山川饒客况風雨滯孤舟天暝不知旦夏寒還似秋
從官不稱嬾行路每懷憂坐見蒼烟外蕭然下海鷗
金華道中憶君謙

遠別輕千里經行歷萬山思君終夕坐出守幾時還
隄柳吹花盡溪雲過雨閒南峰著書處夢裏更躋攀
憶啓南

回首未千里相思猶十年遠情收短札近事夢離筵
忽忽頭都白悠悠心更玄兒曹能活計家事好拋捐
溪面浮竹圃山頭壘石田與君偶符合來此了前緣
夜雨

溪舟雨霎至客枕夜偏多遠近鳴長溜淒清捲敗荷
旅魂殊錯莫行色竟蹉跎酒薄不堪醉更長獨柰何

永康

畫舸乘風入永康疎花綠舫一溪長山淘麥浪青重
疊雲疊魚鱗白渺茫王事有程行作吏勝遊無侶夢
還鄉直輸漁父蘆汀畔斗酒渾家醉野航

青龍埠會余用昭同行

曉過青龍雨乍晴方舟喜逐故人行青山別後渾依
舊白髮相看各老成日上漁家初曬經波漂麥隴未
翻耕風烟觸目皆民隱未到東嘉已有情

答迓

父老欣欣向我親爭看當日宰官身依然平昔丹心

在只比從前白髮新行歷舊遊傷往事不忘遺愛愧
斯民春風二十年間夢却笑今來更任真

謁神

曉竭精誠禮百靈禮文聊復守官箴森嚴別有神明
地游行常懷對越心敢負緋袍民社主終慚白首簿
書淫從今豐歉關吾事老守其如病已侵

交藏積

白頭重作守財奴一笑還操出內符肯信大夫兼委
吏誰云小事可糊塗不携琴鶴爲身累空倚倉箱壯
國圖太息東嘉民力盡誅求昨已到餘夫

郡齋偶成

作官縻廩祿往事積悲傷老覺江湖好歸思日夜忙

簿書勞押字傀儡倦排場吏散心初寂虛堂燈火涼
歸自雁山途中有懷方石二首

一笑南來長雁山白頭恩幸荷天頒出遊自愧山
公數高卧其如謝傳聞聽雨漫叨連夕會開樽都把
舊愁刪公家不了還須去應被山靈笑老慳時因逃
而歸

風雨冥冥道路迷仙舟何處聽鶯蹄推蓬曉色千山
動壓地春雲四望低回首難忘人似玉掃愁安得醉
如泥遊人去後門應揜落盡松花水滿溪

寄贈方石聞 詔

豈不懷君夢 帝州其如丘壑久相投地無俗駕青
山重野有遺賢 盛世羞諸葛好從三聘起司空未

得一宜休試將出處評多少巢許無能並傳周

再疊前韻答方石見寄

白頭憔悴老監州誤縮銅符不可投踈脫豈堪文法
檢流亡自是長官羞孤雲戀岫從來嬾疲馬嘶羣合
少休非是是非非亦是欲將齊物問莊周

寄徵明

種菊庭中花有無小山松竹近何如痴拋獨樂了公
事悔拾虛名別故廬伏臘正懸歸老計經秋不得寄
來書眼昏頭白今如許料理而翁正在渠

賀太傅宜興公致仕

聖主其如高尚何朝辭 禁近暮山阿私評相業如
公少退受賢名較進多為世得人甘避路自 天寵

命極恩波故鄉賓客多於舊不嘆門前張雀羅

雁蕩

肩輿倒輓百丈強鳥道斗絕緣青蒼風撩瀑布雨噴
面天墮石梯雲滿裳谷中雞鳴萬籟寂澗底花發千
巖香自慚凡骨不可住落日悵望僊人鄉

得家書

一接家書思欲飛可憐陶令不能歸夢中鄉路千山
近身外榮圖百念非官簿悠悠維業障人情細細隱
危機貧家亦有魚羹飯何事甘從世經圍

畫堂

畫堂此日已無情慙向闌干曲畔行堪嘆簷前雙燕
子重來何處覓書聲

書陳匯之同年扇

春波千里漾晴漪絕壁雲深叫子規同在江頭販茶
轉好風偏爲破帆遲

寄宗嚴

嘗笑蘇家軾轍痴相逢相別苦題詩而今老我懷尤
惡夢弟思親無限悲

秋日

秋雨纖纖風瑟瑟草庭寂寂菊娟娟種來秫米不供
醉時問同僚借俸錢

睡醒

月轉槐陰揜半扉漏聲低注北風微竹牀睡醒無人
語格格空庭伏翼飛

客去

睡正濃驚客到醒空齋客去雨冥冥不愁花落春無
主依舊豐山戶外青

頑陰

頑陰似我愁難解俗事累人心欲焚閉戶日猶償酒
債看花時已過春分

晝眠

門無畫戟自深嚴盡日高齋不捲簾獨鶴飛來日停
午長松影落晝陰添

題沈石田画

蒼崖墨嶂含書法樹色江聲散釣舫正是先生記歸
路相城東下水連天

自遣二首

從知假面類西涼未得逃名學楚狂坐受臺評非過
論自應老子避新郎心懸魏闕雲霄迥夢落吳淞
烟水長細數不堪何止七彊顏一出愧稽康
逐日思歸未得歸傳來劫語發吾機久應芳草悲公
子先倚春風賦式微徹骨踈狂老年甚轉頭富貴昔
人非而今有過不能拚默坐空齋自闔扉

感事二首

浮湛三十載出守髮成絲寒寒恒生毀明明復見疑
幾年辭祿卧一出任人嗤不謹原來有今能達帝知
平生苦行檢到處履顛危觸諱真城拙爲公寧是癡
歸思東路熟文愧北山移譽毀固難較彼蒼吾敢欺

舟行寫見

山橫塞船頭鬱然無通路盡處忽一轉又入圈中去

又

高樹羅岫陰小舟泊水滸山罅每成村男婦盡蠻語
蘭溪夜泊

岫泊小舟遠溪跨浮橋長縣治率西滸燈火鬱相望
上頂埠

虛舟橫急流崩岸絡高樹問津招牧童不答騎午去
青龍埠

舟到青龍埠羣情鎮欣喜紅日麗中天綠樹出半水
馮公嶺

崔嵬幾千丈躋攀費群力白雲生壑底俯視股雙慄

却金館

生時或徇名死後方核實尚書却金館乃在吏部日

文中丞詩

中憲大夫都察院右僉都御史文森 宗嚴
讀書茶磨山

茶磨山頭起暮烟讀書終夜不成眠曉來試向峯前
望青草湖吞萬里天
晴日山光映翠微春來百卉自芳菲涪翁詩句吾能
記草木文章帝杼機

集句

春雨晴亦佳適與賞心會初日照高林幽泥化輕塏
步屨隨春風始覺天宇大牽懷到空山逍遙白雲外
青松夾路生童童狀車蓋清川帶華薄陰壑生虛籟
性達形迹忘傲然脫冠帶薄暮方來歸月光搖淺瀨

思萱

眼底萱花發舊叢見花如見母儀容泉臺一閉成千古淚洒西風恨不窮

杜子開小園

奉親開小圃城市卽山林地僻人過少心閒意獨深
爲山移白石鑿沼弄清泠一雨連旬日庭多綠樹陰

登樓

闐闐擾擾晚來閒獨倚危樓一望間挈榼漫沽村市
酒開窓正對夕陽山月來虛館誰家笛風度踈鍾到
竹關只有漁翁無檢束扁舟搖曳白雲灣

歌風臺

黃屋初乘入故鄉悲風曾此醉壺觴固知有國因三

傑猶慮無人守四方豐沛只今何寂寞風雲終古自
飛揚荒臺獨上追陳迹空見殘碑臥夕陽

沛上

四顧青山夾去程河流九曲片帆輕常時對畫曾看
此今日還從畫裏行

送同年白鳳儀歸省

曲江初讌罷美子采蘭歸驛路沾青纜江花落綵衣
閒居潘博士休沐謝元暉他日徵才子相期入鎖闥
元夕集同年費子充劉子賢葉廷縉萬廷瑞項

誠之興隆寺觀燈

燈火金仙閣丹青繡拂筵叢林開寶樹大地出紅蓮
梵鏡重輪月空香五色烟諸公暫隨喜吾亦醉逃禪

奉詔使山東過盧溝有感

城外盧溝水金堤轉石渠東溟分海嘍北極浸天墟
鴻雁回春半蛟龍戲雨餘萬年佳麗地長遼 帝王
居

京師留別

官居無况厭塵紛夜夜家山夢白雲來日潞河還理
棹月明知我倍思君

客夜聞虫

露洗秋庭月滿天草根吟苦斷還連在家猶自難禁
汝客舍長宵况獨眠

邵伯道中

去日流火來肅霜蒹葭大澤鳴鴉鷓鴣蟄龍已臥忽人

立遠山將盡如眉長古寺斷碑羅隱偈碧灣丹樹謝
公棠舵樓北望風烟直好共乘春早鴈翔

九日登高

三載重陽菊開時不在家喜逢今日酒對此故園花
野曠雲連樹天寒鴈聚沙登臨無限意何處望京華

贈王秀才

秋風重倚吳門棹秋水澄漣不帶沙且與故人同語
笑休綠青髻惜年華菴盤堆雪鱸充饌林屋穿香桂
隱花更欲相携虎丘去醉凭危閣詠飛霞

扇上見吳文定公舊題次韻一首

雲山一段江南景水榭曾留舊日詩田野太平何處
見醉翁頭上有花枝

送友人北上

渺渺烟江接要津只將書劍遠隨身
桃花滿地楊枝瘦送子令人併感春

王將軍樓船歌

江南古來傳綺語江南畫船如屋裡
將軍總衛在江北百乘高車馬千里
五牙富貴地非空雲海竹篙出新理
揚川駁駁十丈蓮飛艣擘空如迸矢
兩頭簫鼓沸中流兩岸行人看如市
中間紗幕開暑風左邊設圖右邊史
將軍受用通南北坐泛西湖與杭比
還須笑味載收取風流千古追郭李

沈啓南畫漁舟晚釣圖為毛貞夫同年題

新豐酒波堪濯足塵土紅汗酒波綠
粗豪飲客下馬

來三觥五觥行促促何如並著春江船
蒲葦紫立柳黃眠船頭對坐杯漫傳
賣魚儘可供沽錢夕陽射眼拉柁轉
江光貼天孤鳥遠

長至夜

絳燭留華伴客身地爐烘酒煖生春
遙知兒女環燈下共說三千里外人

奉使兩浙採訪道經西吳察院逢午日

西吳今日過端陽角黍堆盤且試嘗
王事驅馳是吾分不因蒲酒念家鄉

書錫山驛

堂高五月全無暑階下葵花正爛開
茗酒不妨留半日出門隨馬是黃埃

登金山酌中泠泉

中泠之泉甲天下今度來遊當盛夏山僧知我有泉
癖忙汲深清緩傾瀉煎茶有法在吾手但恐世人知
或寡酒餘一吸除百病從此人間賤杯竿更呼陸羽
同參玄凌風便欲飛上天下視江水空雲烟

予告家居書懷呈同年杜子開

人境從來嬾結廬此心常共野雲舒病辭朝省羸過
鶴饌入湖鄉食有魚自昔隱賢甘濩落誰家南畝足
菑畲間邊白日長如歲消得山窓幾卷書

藥畦

隙地惟栽藥栽多不計名豈惟能却病兼可得長生
蔬笋非忘味方書自有情夜來新雨足閒步看敷榮

雪

一雪今冬早霏霏白滿沙隨風斜着樹帶雨不成花
曲檻寒仍裊空庭晚更加城中一萬戶歌舞是誰家
書館坐雨

虛館坐來旬日雨紙窓深掩間曾開已知甲子全無
准却恠燈花不易猜帶濕懶拖床下履破愁頻弄掌
中杯明朝雨歇春還在擬向西山詠落梅

慶雲官舍逢重九

瀛海樓東霜日輝高齋一望送將歸酒邊落木來天
近鞫上饑鷹孽海飛黃菊兩開心賞異丹砂可學世
情微莫辭五斗供高醉况是東臯獨掩扉

忙甚自詠

日日多從忙裏過不知向後可能閒若閒自謂能銷
受耳聽清泉眼看山

秋夕

眠起秋堂日已沉推窓風雨坐逾深天憐病骨將涼
賜詩愛長宵盡意吟俗事頻年幾誤我傑人千載要
知心近來頗得娛生術名酒時時自淺斟

送同年

四月江淮波浪平官船催鼓羨君行雲山歷歷齊供
眼民瘼悠悠獨繫情把酒直須澆磊砢揚帆何異上
蓬瀛故鄉道近經過便不用郵籤報水程

宿龍潭驛

崩崖百丈俯驚湍未到先憂到却安夜枕江聲空客

夢午窓山色任人看欲尋往事空題壁不廢公程且
解鞍眼底桑田與滄海人間得失浩漫漫

偶成

悲風急景窮陰日布帳匡床臥病身豈謂光陰還屬
我如何造物亦欺人往來禮斷翻為適寵辱心忘不
厭貧聞說伯恭還進學病中真可養心神

三益亭

亭可容三人盡是君益友暮春風日妍共對一杯酒

寒碧軒六言

老竹倚軒搖翠微波盪日生光一任人間六月坐來
心自清涼

讀白集

朝事不預聞人事不復理家事不復闕身事不復治
修然臥榻上乃至無一事長日誰與言太原白居易
病起

青青園中樹鬱鬱墻根草灼灼籬間花霜前並妍好
我行忽抱病兩月跡如掃今日下庭除樹衰草亦稿
籬菊云耐寒亦復不自保嗟嗟物皆然人生得無老

宿毘陵驛

孤舟城下宿城漏滴寒更往事無人問幽懷忽自驚
春星垂野動村火隔江明北鴈無來耗蓬牕夢不成

宿靈源寺

家城歲晚欲迴舟山寺携衾作夜遊愛月不妨寒步
影岸冠微覺露濡頭蒲團對語僧圍燭菊宴分題客

詠秋恠是思清還廢寢鍾聲爲破小堂幽

奉 詔出按河南

天書獨捧下承明驄馬行行出鳳城記得十年前一
往而今重踏洛陽塵

鎬豐都會澗瀍東洛邑從來天地中周召咸勤敷大
誥令人千古仰高風

戲魚池

清池過雨波新長波面遊魚逐三兩馮闌把酒見湏
眉從此濠梁動遐想

送人還南康

清波左蠡分秀色東林接日射金芙蓉香鑪晚明滅
雨過樓上看月作

仕子倦遠道客游還舊邦迴磳既繞宅原薄亦當窓
夕月清夏滿時雨涼海空遙帷褰素景輕襟披凱風
仰視雲間翼儔侶嘯相從詎意羈瑣餘得此妙善同
獨往爲誰思端居秘棲冲卮言極星爛長吟步仙踪
王喬紫烟上簫史綠雲中但覺形神王不知歡燕終
見月

今宵初見月最喜獨分明宿鳥從驚起浮雲莫遣生
踈篁翻砌影寒鴈落溪聲脉脉西堂下懷人百感并
滁陽官舍憶先兄

曉來空憶鶴鴿原忍見東風又禁烟向晚客窓無一
語皆山亭上淚涓涓

題牛首山文殊洞

冬居雖好夏還互碑刻載文殊夏居五臺冬居於此偏及青蒼石乳
垂金像剝來苔欲滿壁間何用更留詩

宿靜觀樓

峰掩晴窓水映簾便留三宿不虛淹閒雲愛客嘗陪
榻微月窺人直下簷昏籟靜來聞擾擾燈花自是落
纖纖知君詩學多新益親到眉山謁子瞻

送王少叅之任浙江

數載留都居要地大藩超拜沐新榮旬宣自昔惟方
岳經濟于今重老成道便豈因跨畫錦形癯端爲念
蒼生行看遍踏西湖路會看遊人有頌聲

白雲

白雲自是山中物相伴幽人日日閒莫放出山爲雨

去水田民食正多艱

久旱喜雨

五月炎燄熾若焚西來一夜雨翻盆欲知遠近懽多
少白蒲陂塘綠蒲村

勅建文山祠

丞相祠堂初築成輝煌廟貌一番新遠追當日精英
在血食于今定有神

憶昔蘇州刺史時有功民社繫民思湏知祭泐應修
祀 敕賜新題忠烈祠

瓶花

春姿移入膽瓶看不但紅粧可助驩一朶要酬詩一
首晚窓知是費杯盤

題扇景

拍堤晴綠水生春細柳繁桃似鬪新手有絲綸吾小
試要知非是羨魚人

憶西湖次韻

我昔西湖弄烟水日日湖邊常早起携朋最喜當暑
徂得句每誇從醉裏昂頭萃嶺見高峯舟行那計西
與東荷花錦鋪香十里况有寶刹如迎逢望中更愛
兩天竺千仞挿空青削玉萬家鱗次俱傍湖箇箇長
松齊出屋山水娛人人盡好如此西湖不難到別來
指屈十五秋夢中徃徃時一遊蘇堤春色六橋酒繁
華自昔同吾州野情原落漁父舟塵經墮我嗟白頭
江雲望斷空倚樓

惜別

小雨催遲暮清尊惜艷陽別深歡笑短愁切夢竟長
銀燭飄歌席金籠壓篆香不堪花滿眼流水正茫茫

經張雨隱居

白日生烟霧青山隱瀑泉高名垂廣宇僊迹在遺編
洞古疑無路花深別有天衡門下雞犬人去不知年

題畫

石上收綸坐垂楊拂髻絲閒情與幽思不復許人知

送陳

同年起復北上

北極近三台南薰徧九垓徘徊瞻漢節迢遞入燕臺
禮樂持身物文章用世才
聖明垂念久虛席待君來

春日山行三首

風軟波平一鑑開湖山重疊見樓臺萬株晴雪懸厓
裏只爲梅花也合來
勝事春來日日忙梅花總褪杏花香莫愁此後芳菲
少又報東風到海棠
竹杖芒屨觸處經煖風遲日近清明天公似識游人
意特借春來幾日晴

苦熱

炎暑滿天地小堂疑更多涼風吹不到衰病欲如何
就枕苦無寐對花聊自歌還能愜幽想踪跡浩烟波

乞歸

秋風昨夜到庭梧羨殺知章賜鏡湖白日紅塵飛馬

足何如歸買四腮鱸

江上鱸魚秋正肥
季鷹安得不思歸
自憐青鬢朝來改
多病還應早拂衣

九日友人過訪

客為重陽冒雨來
柴扉半掩草堂開
牀頭白酒新芻熟
籬下黃花舊自我
虛館共裁詩句寫
南樓遙聽雁聲哀
十年車馬風塵裏
媿插茱萸兩鬢催

再上乞休

命遣微軀作撫臣
疏章三上乞閒身
放歸浩蕩恩如海
戀闕心懸夢紫宸
乞得閒身日閉門
不才多病負君恩
年臨五十應知命
坎止流行有數存

述懷

抱病東山臥謝安
白雲明月強為歡
一朝生別情無限
翠袖春寒不忍看
白傳嘗圍紅袖屏
教成歌舞費黃金
年來多病因祛遣
滿目離愁短鬢侵

臥病

閒居抱病怯微寒
匣裏陰符羞更看
中酒畏風眠不起
鳥啼花落又春殘

徵明姪薦授翰林兼修國史喜而賦詩寄之

紅燭高烧夜着花
阿咸聞薦入金華
銀魚懸佩通仙籍
紫閣趨隨草制麻
太史名傳司馬氏
東山屐倒謝玄家
書來深慰家庭慶
奕世恩光未有涯

遊西山歸泛石湖登虎丘

春聲病起到山家落盡山中桃李花十日遍遊猶不厭村村塢塢焙新茶

登山最喜雨初晴紫翠群峰照眼明貫得村中新釀酒山花笑插醉扶行

出望溪流接岸頭畫船簫鼓未停休何妨日日山公醉遊遍石湖游虎丘

山乘竹轎水乘船半月山邊與水邊收得秫田三百畝酣歌豪飲自年年

文中丞詩

附錄

先叔父中憲大夫都察院右僉都御史文公行狀
吾文氏裔出西漢成都守翁之後唐莊宗帳前指使
輕車都尉諱時者自成都徙廬陵傳十一世至宋宣
教郎寶實與丞相天祥同所出寶官衡州教授子孫
因家衡山至鎮遠府君俊卿仕元季爲湖廣管軍都
元帥佩金虎符鎮武昌生六子長定開入國朝爲
荊州左護衛千戶賜名添龍次定聰侍高皇帝爲
散騎舍人後贅爲都指揮蔡本壻從蔡徙蘓州遂占
籍爲蘓之長洲人散騎府君次子惠字孟仁公之祖
考也考諱洪字功大仕爲涑水縣儒學教諭累贈南
京太僕寺少卿初少卿公娶陳安人生先君温州府

君諱林繼娶顧恭人寔始生公公諱森字宗嚴隨少卿公宦涑水受易於家庭即得肯綮少卿公致仕歸卒於家公年甫十八即能自奮於學誦讀窮晝夜不休羣經子史若國語左氏諸書讀之殆遍下筆爲程文雋發蹈躡不爲時俗陳爛語一時曹耦咸退讓終喪選爲縣學生稍試不利即屏居學宮益事研究三年不輒歸成化丙午遂中應天鄉試明年丁未中禮部試 廷試賜同進士出身又明年戊申 孝宗皇帝登極改元弘治詔諭天下公奉使歷山東鳳陽揚州廬淮諸郡尋以纂修 憲宗皇帝實錄奉使採訪浙江事竣以病予告還吳弘治四年辛亥起告赴部授河間府滄州慶雲縣知縣慶雲地瘠民貧屬歲大

旱公至首召父老問民所疾苦乃上疏乞免田租不報公疏再上語加切卒免其半既而請賑於上官按籍占數計口而發民被實惠而上官亦不以爲迂會開興濟河役民甚衆公曰民饑且死何以出役走白於郡得減役視他縣獨得不擾境故高而舊無渠堰公教民相地鑿塘蓄水以備旱而澇則洩之立八蜡祠修復龍王廟修築社稷縣厲諸壇而盡毀諸淫祠俗有所謂打旱魃者嚴爲禁絕縣嘗有蝗患公捕得輒瘞而藏之或問故公曰野無青草異時何以自明既而朝廷累遣使行驗民賴是免賦而他縣無驗坐累者比比雅重學校稍暇即請學官與諸生講解示以法程里社設學以教鄉民子弟導以孝友而勸相

之有徐文亮者數世同居爲表其宅里宅貞孝有蹟被旌與可旌而旌未及者咸勞以金帛撫其孤嫠嘗出聞有夜織旦召其夫而勞之縣民故情至是多勸而勤縣有養濟院而無廬舍爲構屋四十餘楹具井釜結薪爨哺被以時不令失所縣比不登民流戶減而額養孳生馬如故公上疏極言不均之弊下兵部恭會衆議得通融均給縣隸滄州州每役縣民爲斗級弓手防夫它夫皂之屬流傭轉輸曠日煩費民甚苦之公曰縣雖隸州然各有分土州安得擾縣之民白於監司罷之仍請下傍縣皆得視慶雲癸丑丁呂恭人憂丁巳服除改山東兗州府鄆城縣鄆城地大雄繁民獷健而喜訐公至縛奸人數輩投戍邊徼一

一時宿蠹爲清豪猾斂戢不敢肆縣有

德王府莊田歲輸子粒至府府官校每害苦之至以鐵絙繫厩下榜笞之或賣所乘驢馬不足償公言於監司請自輸于長史不可則爲征取貯於公俾官校自取民得無擾會有 詔減明年田租而

王府征輸如故公亟言於巡撫大臣得減輸如

詔旨因疏于朝極言王莊之擾境有西裏河舊通漕運歲發浚卒專官領之及築黃陵岡上流因罷專官而供調如故公請罷于所司而所司不能屈卒罷之凡所爲興革利害無所不盡而崇獎風化激昂士類悉如慶雲慶雲倚山海而臨漕渠曠遠無防而鄆有梁山之險又當東平汶上壽張之衝皆號多盜公置

附錄
民兵什五分曹更捕而高懸賞格以勸勞之故盜出境內一切苞苴不得踏門嘗自噉糲食每歲儉輒停俸入家人或不能具饗殮以為常在鄆三年巡撫使者交荐其才可大用十四年辛酉召拜浙江道監察御史會吏部闕尚書大臣有寅緣求進者公疏力論之因舉互為吏部尚書者疏劉大夏周經進以召時營進者甚銳且有力或從中醞釀之謂是專擅選法非所互言遂下 詔獄賴 上仁明特宥而不問十五年壬戌奉 命權木盧溝橋隨事錯綜不先為程期而能不失常度尋監光祿寺尤多緒正十六年癸亥奉 詔河南清軍伍既至命所司各陳利病而興閱二年丙寅改元正德逆瑾擅權用例致仕庚午更

化再起為河南道監察御史推掌三法司事尋奉 詔照刷在京五府六部各衙門文卷正德七年辛未考績給 敕命進階文林郎明年壬申陞南京太僕寺少卿於時民方苦科駒賣駒徵銀及追陪倒死諸弊政公移文諸屬條列古今廐牧之法與今之利病所互興革者皆切中當時之弊在太僕三年軌道綜核隨事裁正下享其利而上蒙其成乙亥考績赴京道陞都察院右僉都御史尋給 詔命進階中憲大夫贈考為南京太僕寺少卿妣顧氏繼妣呂氏俱恭人於是公在仕途三十年年五十有五矣會有小疾遂上疏乞休有旨俾回籍養病疏再上始得致仕是歲正德十二年丙子也越六年辛巳 今上踐阼工

部尚書李公某戶部侍郎胡公某御史沈某先後薦
公老成可用皆不報又五年為嘉靖四年乙酉五月
某日以疾卒於正寢寔公所建文山忠烈祠之右公
平生忠義自許雅慕文山為人以先世嘗與通譜且
嘗建節吳門有功德於民因言于 朝得列祀典即
所居建祠俾子斗主之吳之有文山祠實自公發之
也而公竟易簀於此豈偶然哉公問學精詣而不務
博綜自少與先温州兄弟自相師友及入仕即從學
李文正公所得甚深而賦性高朗視一時名家若不
足為其論著必法左氏鑄詞命意精鍊峭拔不劇致
不已然不苟作亦不輕以示人人無知者晚歲悉棄
不復為曰大丈夫乃復區區佔俾間耶其意欲以功

業自見屬正德多故又不能隨時俯仰遂以盛年棄
官家居其意蓋有待也而豈意其遂已邪公自少貧
若然視富貴漠然無所動於中既貴不復殖產亦不
治居第俸祿所入皆緣手散去家之有無一不問至
於子女婚嫁特成禮而已不求備也惟雅好賓客客
至未嘗不置酒治具草畧亦不求甚設而情意懽洽
藹然可親有故人在當路與公論事公正折之又為
書詆訾其過不少諱其刻廉修正無所回折如此晚
歲偃蹇不究大用殆亦以此而公不悔也公娶談氏
累封恭人生子男一人斗女一人歸毛錫朋側出子
男二人科女六人歸錢班張哲周某某其三未行孫男
三人女四人公少先温州十九年事温州如父終身

附錄
未嘗與亢列處季弟縣學生彬備極友愛撫諸姪禮
嚴而情篤於徵明加親徵明少則受業於公賴其有
成及以薦入官數書示其所志思一見徵明不及及
是歸而公不可作矣嗚呼痛哉今將以某年月日葬
某原惟公抱負閎偉志烈剛大屬時多艱不獲盡展
而所施設僅僅見於一方百里之間太僕之任又在
叅佐之列是其所有曾不少見於用而盛年奄棄明
時有可惜者敢列其大校以備采擇云謹狀姪翰林
院待詔將仕佐郎徵明狀

附錄終



